



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCCCCXLVII. ad annum MDXXVII.

Parisiis, 1644

Mandatvm Regis Portvgalliae.

urn:nbn:de:hbz:466:1-15644

ANNO
CHRISTI
1514.

strum, & cantato euangelio secundū Ioannem per reuerendissimum in Christo patrem dominum Ludouicum sanctæ Mariæ in Cosmedin cardinalem Aragoniæ, quod incipit, *Si diligitis me*, &c. sanctissimus dominus noster incepit hymnum, *Veni creator Spiritus*, &c. Quo finito, & oratione cantata per præfatum sanctissimum dominum nostrum, supradicti oratores illustrissimi regis Portugalliæ accesserunt ad pedes sanctitatis suæ, & præsentauerunt mandatum præfati illustrissimi regis ad interessendum sacro Concilio. Et idem sanctissimus dominus noster tradidit illud reuerendo domino Thomæ Phædræ secretario Concilii. Qui ascendit ambonem, & legit illud alta & intelligibili voce: cuius tenor talis est.

MANDATVM REGIS PORTVGALLIÆ.

Emmanuel Dei gratia rex Portugalliæ & Algarbiorum citra, ultraque mare in Africa, dominus Gunçæ ac Conquistæ, navigationis ac commercii Ethiopiæ, Arabiæ, Persiæ atque Indiæ, vniuersis & singulis harum seriem inspecturis.

Notum facimus, quod confidentes nos plurimum de fide & industria nobilis & insignis viri Tristanni de Cugna consiliarii nostri fidelissimi, & dilectorum atque egregiorum iuris doctorum Didaci Pacheci, & Ioannis de Farra, nostræ curiæ auditorum, quos ad sanctam sedem apostolicam, ac sanctissimum dominum nostrum, dominum Leonem decimum diuina prouidentia sanctæ Romanæ & vniuersalis ecclesiæ pontificem maximum cum obedientia oratores destinauimus: ipsosque etiam oratores ac procuratores ad hoc sacrum Lateranense Concilium, quod sua sanctitas continuare & prosequi deliberat, designamus, deputamus, constituimus, dantes illis plenum mandatum & omnimodam potestatem pro nobis & regnis dominiisque nostris in ipso sacro Lateranensi Concilio dicendi, proponendi, agendi, tractandi omnia & singula, quæ ad celebrandum & concludendum ipsum Concilium, tam quoad sanctissimam & omnibus Christianis optabilem contra Christi hostes expeditionem, quam quoad cetera ad sanctæ Romanæ ecclesiæ eiusque membrorum vnionem, & Christianæ religionis fideique catholicæ augmentum & commodum spectantia, neces-

ſaria, ſeu opportuna fuerint, etiam ſi talia forent, quæ mandatum exigerent ſpecialius: ac denique omnia circa hoc faciendi, quæ vobis viderint expedire, & noſiſi præſentes faceremus: promittentes nos gratum, ratum, firmum & validum habituros, quidquid in prædictis & quolibet eorum per dictos noſtros oratores actum, factum & geſtum fuerit. In quorum fidem & teſtimonium præſentes ſcribi, & ſigillo noſtro communiri fecimus, manuque noſtra ſubſcripſimus.

Datum in vrbe noſtra Vlixbonæ duodecimo Kalendas Nouembris, anno Domini milleſimo quingentefimo duodecimo.

Deinde dominus Marius de Peruſchis, ſiſci & ſacri Concilii procurator, expoſuit præfato ſanctiſſimo domino noſtro, quod licet alias fuerit decretum monitorium contra prælatos Gallicæ nationis, & alios vtentes quadam pragmatica ſanctione, & fuerit citatio decreta contra eoſdem, vt venirent ad allegandum cauſam, quare dicta pragmatica reuocari non debet; & fuerit huiuſmodi monitorium ſeu citatio legitime executæ & reproductæ, & ſua ſanctitas prorogauerit eiſdem terminum vſque ad præſentem ſeſſionem: tamen ipſi minime comparere curarunt nec curant, tam ad defendendum dictam pragmaticam, quam ad intereſſendum ſacro Concilio. Quare contumaciam eorum accuſauit & accuſat, petens procedi contra eos ad declarationem, & decerni proceſſus per affixionem citationum ad valuas eccleſiæ Lateranenſis. Ex aduerſo vero reuerendus pater dominus Claudius epiſcopus Maſſilienſis, orator Chriſtianiſſimi Francorum regis, allegauit, excuſando dictos prælatos, dicens eos veniſſe vſque ad montes, ſeu Delphinatum; & quia non potuerunt obtinere ſaluum conductum a detentoribus ducatus Mediolanenſis & domini Ianuenſis, ideo non venerunt. Et pro verificatione dictorum produxit vnum inſtrumentum & certas literas miſſiuas tenoris infra ſcripti, videlicet inſtrumentum.